

鋼筆行書字帖

(唐諫)

张书范 书

北京理工大学出版社

司空曙江村即事

釣罷歸來不繫船
江村月

落正堪眠
縱然一夜風吹去

只在蘆花淺水邊



钢笔行书字帖（唐诗）

张书范 书

北京理工大学出版社

(京)新登字 149 号

内 容 简 介

本书由以楷、行书闻名全国,曾在中央电视台主讲过书法讲座的著名中年书法家张书范书写。该书字体造型优美,刚劲潇洒,非常适合大、中学生和硬笔书法爱好者练习。

钢笔行书字帖(唐诗)

张书范 书

*

北京理工大学出版社出版发行

各地新华书店经售

一二〇五印刷厂印刷

*

787×1092 毫米 32 开本 4.75 印张 105 千字

1992 年 6 月第一版 1992 年 6 月第一次印刷

ISBN 7-81013-504-X/J·13

印数:1-20100册 定价:2.70 元

静夜思

李白

床前明月光，

疑是地上霜。

举头望明月，

低头思故乡。

夜宿山寺

李白

危楼高百尺，

手可摘星辰。

不敢高声语，

恐惊天上人。

越女词

李白

耶溪采莲女，
见客棹歌回。
笑入荷花去，
佯羞不出来。

春夜洛阳闻笛

李白

谁家玉笛暗飞声，
散入春风满洛城。
此夜曲中闻折柳，
何人不起故园情。

望天门山 李白

天门中断楚江开，
碧水东流至此回。
两岸青山相对出，
孤帆一片日边来。

子夜吴歌 李白

长安一片月，
万户捣衣声。
秋风吹不尽，
总是玉关情。
何日平胡虏，
良人罢远征。

独坐敬亭山

李白

众鸟高飞尽，

孤云独去闲。

相看两不厌，

只有敬亭山。

早发白帝城

李白

朝辞白帝彩云间，

千里江陵一日还。

两岸猿声啼不住，

轻舟已过万重山。

秋浦歌

李白

炉火照天地，
红星乱紫烟。
赧郎明月夜，
歌曲动寒川。

秋浦歌

李白

白发三千丈，
缘愁似个长。
不知明镜里，
何处得秋霜？

塞上听吹笛

高适

霜净胡天牧马还，
月明羌笛戍楼间。
借问梅花何处落？
风吹一夜满关山。

别董大

高适

千里黄云白日曛，
北风吹雁雪纷纷。
莫愁前路无知己，
天下谁人不识君。

春怨

刘方平

纱窗日落渐黄昏，
金屋无人见泪痕。
寂寞空庭春欲晚，
梨花满地不开门。

夜月

刘方平

更深月色半人家，
北斗阑干南斗斜。
今夜偏知春气暖，
虫声新透绿窗纱。

春行即兴

李华

宜阳城下草萋萋
涧水东流复向西
芳树无人花自落
春山一路鸟空啼

逢入京使

岑参

故园东望路漫漫
双袖龙钟泪不干
马上相逢无纸笔
凭君传语报平安

绝句

杜甫

江碧鸟逾白，

山青花欲燃。

今春看又过，

何日是归年。

绝句

杜甫

两个黄鹂鸣翠柳，

一行白鹭上青天。

窗含西岭千秋雪，

门泊东吴万里船。

恨别

杜甫

洛城一别四千里
胡骑长驱五六年
草木变衰行剑外
兵戈阻绝老江边
思家步月清宵立
忆弟看云白日眠
闻道河阳近乘胜
司徒急为破幽燕

江村

杜甫

清江一曲抱村流，
长夏江村事事幽。
自去自来梁上燕，
相亲相近水中鸥。
老妻画纸为棋局，
稚子敲针作钓钩。
多病所需惟药物，
微躯此外复何求？

登高

杜甫

风急天高猿啸哀，
渚清沙白鸟飞回。
无边落木萧萧下，
不尽长江滚滚来。
万里悲秋常作客，
百年多病独登台。
艰难苦恨繁霜鬓，
潦倒新停浊酒杯。

月夜忆舍弟

杜甫

戍鼓断人行，
边秋一雁声。

露从今夜白，
月是故乡明。

有弟皆分散，
无家同死生。

寄书长不达，
况乃未休兵。

客 至

杜 甫

舍南舍北皆春水，
但见群鸥日日来。
花径不曾缘客扫，
蓬门今始为君开。
盘飧市远无兼味，
樽酒家贫只旧醅。
肯与邻翁相对饮，
隔篱呼取尽余杯。